

天
啓
滇
志

滇志卷之十五

人物志第八之二

孝義目錄

雲南府

元 楊立義

本朝段 澍 熊 信 王 護 方 杞

陳大韶 王 璽 唐文炳 孟 富

洪文量 賈惟孝 施汝翼 程世勛

段有學 宋應時 井 肯 張雲鯤

畢 畊 李允相 石 巖 安如磐

杜惟喬 楊 坤 李宗元 周良卿

楊世麒 陳大倫 鄭相 劉連璧

程坤 陳咸厚

大理府

漢 隗叔通

本朝 阿這 王保 趙壽 楊寧

楊謫仙 張孝子 洪鈞 楊濟

楊沂 趙友益 王守陽 呂健

楊起雷 王曰俞 朱惟顯 段錦文

楊雨 吳讓 張九賦 趙重華

王寵 朱世祿

臨安府

元 張友直 董茂春

本朝萬 容 吳孝先 楊 慶 沈 瑜

馬文榮 藍 貴 高 禧 姚思敬

馮 敬 徐 瀚 王 制 紀 元

姚九韶 孫世榮 任翔鳳 蘇一貫

張志連 楊世春 楊 忱 李朝鳳

趙 鎔 戴 敏 馬思賢 楊 立

段富春 戴仕軒 張 貴 王 惠

楊卽立 戴天資 董紹舒 孔一貫

趙時遇 張宋臣 張任晟

永昌府

本朝徐訥 胡亢 蕭芳 符節

陸鏞 辛淳 蘭剛 吳榮

周琮 楊茂 林興祖 鄭永生

鍾應奇

楚雄府

元 楊惠

本朝王九勲 謝昱 延文 潘浩

朱高仇 儀鞠 躬 李希綱

曲靖府

本朝李驥 郭蕃 徐可繼 陳敬

趙倅 錢彥暉

澁江府

元 段文瑞

本朝楊純 張俊 李九得 梁景春

王珪 萬琮

蒙化府

本朝范運吉 薛志廣 郭廷珪 周畿

金鐸 薛居敬 楊道東

鶴慶府

本朝楊敘年 高科 段忠 楊全

蔣懋官

姚安府

元 趙 和

本朝高梓潼 高棟 高鵠 施琳

廣西府

本朝張 恩 楊新民 趙應元 李之節

尋甸府

本朝姜仲智 段尚綱 李調陽 馬欽

張 化

武定府

本朝藍 碧

景東府

本朝吳 瑛 姜可久

北勝州

本朝譯 鉞

孝義

孝義以配忠烈節順關切名教詎可少哉總兩志
若而人其爲孝者於家皆色養承驩附誠與信以
其所受於親者而始衷終無遺力乎然於子職不
加焉中有逾禮減性至喪生而不自知者雖不軌
於中道然天地間自有此一等逾格之人自出驚
世之事不在方所論可矣其他割股稱孝者不勝
書竊意婦人女子偶一爲之可也再斯不可乃有
出於學士弟子者有至於三至於四者從宜去之
有錄於志草今尚生存者以卽人故知之其它卽
邑不盡識者恐尚多也去之至於義林高士原列

未多無容最矣

雲南府

元楊文義昆明人任爲騰衝府同知事親至孝親歿
勇士成墳奉詔旌表

本朝段澍郡人洪武丁丑進士事親至孝以監察御
史就義改姚安府教授

熊信字以感郡人舉人宣德間任禮部主事尋改兵
部乞歸事母杜門謝客未嘗謁公門母歿遂不出鄉
賢孝子二祠皆祀之

王護晉寧人正統間輸粟

詔表其門

方玘字公佩後衛指揮使弱冠有人失金三百玘得

之如數還其人景泰末年饑殍載道玘傾度賑且葬之卒年三十有二妻曹氏以節稱

陳大韶字舜舉嵩明人父貢士客卒京邸韶扶柩中途雜傭人中時出一肩抵家既葬廬其墓事母篤孝母卒葬仍廬墓弘治間臺院具

題旌表後授嘉善司訓乞歸年八十餘卒

王璽字國用宜良人蚤失父事母至孝中弘治壬子鄉試授合山教諭母卒廬墓後補保寧學掾涪州守不忘少慕

唐文炳唐文蔚祿豐人正德六年父銓母關相繼卒時文炳年十四文蔚年十一兄弟廬墓三年刺血和

泥塑像文蔚事兄如父嘉靖三十五年巡按劉涇上其事 詔旌表

孟富字以安廣南衛人少力學以失母養父遂不應制舉刻意若吟有樊川西崑之致匿其草不以示人親終廬墓遂隱而死子養浩受公庭訓舉明經能繼父志收遺稿以公別號名之曰溪渙集後爲江陽教諭因屬楊太史慎點定之欲授梓未果太史及會中憲璵張都諫鳴瑞皆爲之序

洪文量字天容宜良人年二十父病禱於天割膚以代藥父疾隨愈張公佳胤表其門

賈惟孝字若曾嵩明人幼入郡庠不求仕進博聞強

記工詩翰尤精於醫孝親友弟綽有古風楊公升菴
徐公龍灣雅重之皆贈以詩見藝文年九十一卒所
著有剩語閑吟藁諸書

施汝翼昱之子嘉靖乙卯舉人偕計卒于途天性篤
誠親歿廬墓瑞生芝草賑貧乏返遺金至於今稱焉
其孫克化以進士爲文選副郎再行選事陞稽勲郎
乞假歸踰年題驗

命下業以疾卒于家

程世勛後衛署試百戶嘉靖四十五年官兵討鳳繼
祖世勛奉檄護餉至金沙江上因令督偏師出哨至
波羅結堡陡值賊衆力戰不敵死于陣母李氏守節

在堂子道南方在襁褓妻蕭氏年十八矢死事其姑撫其子垂五十年而終道南亦以孝聞有司上其事李氏蕭氏俱入祠祀

段有學字可仕郡人嘉靖癸卯鄉舉其母老在堂以顧養廿年不仕及母卒廬墓盡哀後授中江知縣陞寶慶同知皆有政聲

宋應時郡人父終刺血塑像祀之其子大姚諭文學負土壘母墳相繼廬父母墓偶野燒將延拜風而火息後值郡賊剽掠感其孝餽以豚米不納其後子孫感化遂以世孝見稱

甘旨字汝孝性恬澹幼業儒樂善好施郡之貧乏婚

芥者多有所賴壬戌還餉匱

詔天下咸得輸粟助邊旨與焉當道授以官辭弗受
甲戌滇饑復出粟餽民全活甚衆所司上其誼欲旌
之亦力卻優游山水終身焉

張雲鯤邑諸生鰥居二十載及母膝下菽水承驪
畢畔郡人爭親至孝嘗入蜀過鄂都得賈人遺金不
私鄉人貧而貸者焚其券不責報

李堯相郡人善事親畜幼弟堯卿於櫪負中堯卿亦
感其兄敬事其嫂和氣藹然鄉閭豔慕

石巖祿豐人本賴昇之子生未三月失母父寄養於
石永福命名巖父昇疾篤割股股愈之

安如磐昆陽人貢入監聞父疾徒步抵家比卒哀毀如禮服闋不仕時祀如事生

杜惟喬字汝遷昆陽人貢生居父母喪哀毀踰禮廬墓三年麥生九穗瓜如斗

楊坤嵩明人父卒於官歸櫬廬墓遇賊刳負母而逃孝宗元郡人爲母廬墓其子宋能踵父風

周良卿右衛人竭力奉其二人朝夕甘旨不以分其任於孤姪弱弟

楊世麒字明徵右衛人母許以節婦稱麒事母篤孝母卒哀慟喪明後當貢期不能赴

陳大倫中衛人父卒哀毀廬墓三年母病竭力求痊

尺寸之膚不愛焉母病尋愈

鄭相字廷贊楊林人間閭扶親柩旣葬廬于墓後以歲貢歷教定遠汶川二學歸

劉連壁富民邑諸生家貧養親能盡敬凡斃而無主者瘞之孤獨有疾者調藥療之其陰行善人不知者尚多

程坤郡人以武會爲幕府贊畫官壬戌陞四川總兵中軍會西路梗因與援兵偕行至畢節城陷被執不屈而死月餘精英屢見時聞陰風中有爲厲鬼殺賊之語

陳咸厚郡人贈光祿少卿陳爰誦次子從父官京師

及卒哀毀柴立先達謂滅性非禮乃強進粥扶櫬還
里遇風雨泥淖號泣行濡足泥中未始少避至龍里
遭安賊之變賊擁至欲焚柩厚兩手抱棺抵賊聲色
哀而厲賊以戈擊之死于柩側黔中侯侍御以事
聞今訊其年甫十三國殤中殤孝童奇童雖戈甲劍
弓之不勝視尋常早慧者超遠之子死父其父不死
矣

大理府

漢隗叔通樸榆人邑東二百里江名若水叔通生
若水上性至孝母好飲江督水叔通日入江取水以
給無間冬夏天爲出平石至江督中人謂之孝子石

水經注載其事

本朝阿達節川人洪武初以討叛酋普顏篤禽偽平章高生功授知州世襲

王保浪寧人洪武十七年普顏篤據佛光山寨叛天兵南下保率子弟爲前驅獲渠魁授縣典史世襲

趙壽趙州人永樂丁酉舉人正統間有蒙化土舍從征麓川有功謀爲州土官壽懼要鄉人李松張福海潛赴京師奏革一州無患松等造廣慶作堵牆百丈居壽以報其德

楊寧太和人父母繼歿廬墓哀毀採風使以

聞旌宅

楊謫仙寧之孫事母孝時稱楊氏二孝子

奏乞旌表

張孝子太和人失其名性至孝傭工養母母歿哀慕如狂既殯猶晝夜號于道路逢人輒問曰汝見我母乎如此數年不輟人或紿之曰汝母在某處卽奔往不遠數百里夜不求宿人又紿之亦隨指而往百度不變死而後已居子曰卽不裁之以義然亦可謂終身慕矣

洪鈞太和人爲諸生性孝友母歿廬墓三年廬在澗側澗歲有盈涸鈞在墓三年澗爲不涸人以其爲孝感所致

楊濟字德深為諸生時母有心疾幾死濟割股以進復甦踰年疾作再割股不救哀三年未嘗食肉後以父母不赴應舉提學王公嘉其孝義及居父喪哀毀如初

楊濟太和人二親歿廬墓各三年以田業之半讓諸兄遂老于山中至死不變

趙泰益太和人自少至老無喜愠色與物無忤兄弟子侄有失依者皆為之所鄉人稱其孝友云

王守陽太和人家極貧勉為甘旨之奉四十不娶恐其分親之養也終父喪三年其母勸之始娶婦婦不得于姑守陽曰任汝所適婦苦其貧遂去守陽以相

地得錢卽養其母每夕常四五起視衾之寒溫枕之高卑母展轉必捧之以助其力母之所嗜多方致之母無日不歡以是終母之身

呂健大理衛人家貧能養每食必躬進之親怒則深自咎責悅而後已至于病而嘗藥毀而廬墓

楊起雷太和人其父癰然病也起雷提携捧附者四十年及卒哀毀骨立事兄超雲亦以父愛稱

王曰俞趙州人年十二時母疾篤封股爲羹而進之母病隨愈

朱惟顯賓川人郡諸生父歿哀毀踰禮廬墓三年母

張喪明左右扶將未嘗頃刻離

段錦文太和人澄子爲諸生有年應歲薦以讓同列
有司贍數十金一無所取

楊兩太和人府刑吏胥人或賂之間所從來曰貸來
則不受否者間受十之一久之凡問者無不以貸對
以是一錢不入有知其事之寃力爭於庭郡守怒笞
之笞以復爭初疑其賄徐察其無他遂見嘉納獄多
賴而不寃革履無襪藉以草役滿不赴司徑入雞足
山太守廉其賢薦之索之不得不知所往

吳讓廣川人始未設州治居民苦於剽掠讓奮然詣
臺司請置州衛建城池頻復再三如其願而止祇今
渚而稱焉

張九賦雲南縣人生員甫十三母戴疾爲賴九賦剗股而愈其後與弟九錫同居財產無異撫姪如其子趙重華太和父廷瑞棄諸生業爲採真之遊匿無錫山中於時重華方七歲居十五年其母已歿妹已嫁遂發願覓其父請卽于郡守而出行至武當太子巖其上隱隱有字跡後識其父名氏而所書月日與尋父出漢月日同華覽之哭亦尾而書之歷走江南竟無所遇因禱于三茅峯夢真武諭之曰汝父猶未死覺而爽然過毘陵使盜櫻其資以去僅存路郵耳道逢老僧言其父客無錫南禪寺因一道人遵之明日偕至南禪寺其父廷瑞果在父子相携而慟所與

俱道人及寺中客無不慘然鹿門茅憲副爲作趙氏
容遊述

王寵初爲弟子貢事薩母有真愛於束族無間言
朱世祿廣川州人舉人母老絕意仕路當路有司具
禮勸駕及額設輿馬之費世祿偕計十科計五百金
輒辭不受第年搜討博極群書嘗受婦翁之託撫其
孤成立歸其所寄金善始善終鄉人皆高其義

臨安府

元張友直通海人好讀書早喪父事母杜氏視寢食
無日去左右鄰里稱其孝至正間聞於朝旌爲慈孝
之門

董茂春字良卿董粹慈之子仕爲通海學諭痛父死
於賊哀慟幾絕事母至孝飲食寒煖未嘗一日少離
母病取醵天願以身代一夫有一門忠孝千載姓名
之句其子思平洪武初爲郎甸縣主簿以忠義勸諭
增峨土酋祿佑率衆內附

本朝萬容家景儀都指揮中之長子性孝友事父及
繼母能順志爲友二弟讓賢不取厄好文學絕無膏
粱之習儒者雅重之

吳孝先增峨人幼名虎兒洪武間年方十歲隨父出
遊父偶爲虎所攫孝先急取父佩刀斫虎腰虎死父
得生人稱爲孝童

楊慶郡人其兄春以永樂間從征交趾陣亡慶以次
當代兄之子行訛言亦陣亡母痛二子俱歿哭喪明
踰年慶歸傍徨不安求醫弗效乃齋沐禱北辰詆其
親目久而復明人咸異之

沈瑜姑蘇人從戍雲南寓居阿迷早喪父事母孝成
化丁酉母病醫藥無效割股進而愈

馬文榮通海人成化乙酉科鄉薦任雲南府訓導乞
歸養母鄉里感化稱孝子云

藍貴字景高郡人事親孝謹待兄弟友愛親歿哀毀
骨立人以為難

高禧字彥和郡人事母問安視膳久而不衰

姚思敬郡人性至孝父母疾不就寢衣不解帶躬侍湯藥凡田宅財貨推以讓其弟居鄉與人無爭思敬卒其妻洪氏不食成疾踰旬而死遂同葬

馮敬字允恭郡人幼失怙恃事兄政客盡恭謹每飲食必同席兄嘗有疾湯藥親致

徐瀚郡人父鏹疾篤醫藥罔效瀚憂恐乃剖左股肉和羹以進疾遂愈推官張嵩爲誌其墓

王制府學生父死既葬結廬墓側乳乳悲戚人勸之歸弗應士類甚重之

紀元府貢生字調甫父良早卒于征母李孀居折股三年元與妻郝氏晝夜侍側渾汙必親母病癰危甚

元請洗跪吮而愈人稱孝感

姚九韶府庠生恩敬孫淳謹恭遜克盡孝友

孫世榮府貢生性孝事母飲食跪奉扶父櫬還鄉與夫虧肩負不避風雨

任翔鳳石屏廩生褊躬純謹事母承順比歿哀毀骨立嘗學訓徒斤斤以名檢自繩

蘇一貫石屏州人性至孝父久病朝夕同寢視湯藥無倦力耕資兄俾之向學

張志遠石屏人三世同居子姓和睦

楊世春阿迷人事母孝母死廬墓三年鄉人稱焉楊孝子王廷表以文贈之

楊忱世春子親歿廬墓有父風

李朝鳳阿迷人亦以廬墓旌

趙錦寧州人年十三時母王病錦割股以食母而母病痊

戴敏阿迷人亦以割股爲孝

馬思賢通海人父母病篤醫藥不放賢割股而進之其子應龍娶王氏應龍病王亦割股鄉人稱爲孝門楊立通海人家貧負薪供父母父病割股進藥卽愈段富春蒙自人秉性克孝事祖母楊甚謹其父段世林母周先後病以春割股俱愈

戴仕軒張貴俱蒙自人

王忠楊郎俱河西人俱以割股愈親有述焉

戴天資河西人母林目瞎視而醜其目獲明

董紹舒峨人庠生嘉靖十八年應貢入京至鐵爐

關目眇心驚乃曰吾母思我遂歸紀意仕進母終哀

毀踰禮足不及公門

孔一貫峨人廬父墓事繼母得其歡心

趙時遇峨人親終廬墓

張采臣峨人父病危以臣割股而愈

張任嚴即庠生遠于易學以易起家者多出其門少

孤貧母氏孀居弟任榮任教筑筑待怙嚴敦孝友養

母家弟二弟俱成名至今有同年之大焉

永昌府

本朝徐訥字敏行郡人父遺疾幾殆訥方十三憂形於色每夕稽顙北辰父疾乃愈後歿廬墓三年朝夕哀號有青蛇繞墓之異成化間

詔旌表其門

胡亢字希賢郡人性孝愛父歿時亢年十有二三日不食既葬結廬墓側每哭泣輒有烏鵲集塚樹悲鳴亢哭止乃散塋母余氏歿亦如之

蕭芳字從周郡人國子生事親孝母歿既葬結廬墓側朝夕哭奠三年父繼卒復居三年

符節字性善郡人平生耿介寡合嘗與丁貞友善貞

病篤謂節曰吾兒幼不可託吾有白金八百兩託於汝吾兒長可付則付之否則君之物也節遂密藏於丁宅地中貞卒節摩其子且教之以長挈金而授之封識宛然隣有嫠婦無子迫於饑寒自縊令人救活日給飲食二十年迨卒治棺葬之所著有故塚堆詩一卷

陸鏞郡人客遺金一囊拾以歸謂妻康曰若坐門內候有泣過者告我已而客果涕泣至覈其數五十金卽以付客以其半謝之固辭客拜天祝頌而去辛淳郡人割股愈父捐粟濟饑征交南道死者力焉葬埋又葺學宮兩置學田里閭雅重之

簡剛字德中騰衝千戶愈次子正統六年隨父征麓
川愈累功陞副千戶剛亦當授所鎮撫乃告愈曰吾
先祖宗世爲正千戶中業而爲副今幸母子俱立功
若併論祖職可得也愈曰武宦以長我死汝兄繼之
置汝何地剛曰爲子弟第竭力於父兄耳乃偕白於
靖遠嘉其孝讓併功於愈爲正千戶愈卒長子誠襲
剛無難色後以壽終年八十陸

吳榮字仲華騰衝人博學不競短長人有是非相質
輒平之退無怨言一日與友蘭剛墓歸適一屠兒醉
卧道中袖有物墜出約二十餘金榮付剛收遣僕守
伺屠兒醒引詣蘭歸之終身不自明唯屠兒及蘭氏

子孫稍舉似人乃知屠兒爲徐倫云

周琮騰衝人一日晚行偶有所拾歸視乃銀一封付妻吳仍往其處伺至丙夜遇一男子狀若追遺金者詢之蓋稱貸以完逋賦而出子於徵者遂還之其人願分金謝琮卻不受其人感且祝曰願天壽公夫婦官公子孫耳後琮年七十八吳八十五子愛應貢謁選銓曹試以得遺失物判授安東丞

楊茂字廷秀騰衝人性質朴嘗署義田以睦族人爲孤甥完嫁娶損丐措焚貨券元夕翫燈獲遺金髻石主識認歸之商人道失囊物守候審給子泰時春孫太畧輩皆繩繩食其報焉

林興祖字宗嗣騰衝人少孤母性嚴事之務得其懽
心微愠曲求慰解侍親四十餘年一日無病檢方書
云須虎膽愈竭誠籲天適有人報城北得一虎往購
其膽合藥疾果廖人以爲孝感所致

鄭永生字壽伯騰衝人初贅陳陽春女三載無人道
之感永生諱不言女母察知力勸別娶永生猶恨女
泄其隱不得已始從之往來親詣彌篤後結茅東山
麓田忽鄰婦有私奔者永生不答馳歸抵家已在家
人間故紿之曰偶嬰疾欲藥意蓋秘之也後以陰德
事教家人始知年八十七而卒

鍾應奇永平諸生居于吳屯鄉母臥病在床姚營叛

兵入其家擬之以兵應奇週旋涕泣求代母死咸感悟遂全其母

英雄府

元楊惠郡人父早卒事母劉氏母邁疾月餘晝夜不去左右禱神求代精誠所格母感異夢以子故延年明日疾早瘳至八十五而後卒惠負土營墳廬於傍三年哀毀喪明鄉里感嘆有司以聞表其門蠲徭役本朝王大勲廣通人孝繇天性蚤失母竭力事父傭工以供爨每晨父食而後出主人授食先投竹器中以待父而後食輿論稱之聞于監司命有司四時存恤旌其門

謝昱碼嘉人國子生陳情終養許之選授湖廣湘潭縣丞郡守席和扁其第曰孝康

延父是遠人監生以母老不仕敬養終身嘉靖間鳳賊之變官舍杜文宣以三百金付寄賊平後踪跡其人如原封職歸之

潘浩郡人家貧母老時征麓川士子庫粟藉以供兵餉匏勉拮据菽水而已後領鄉書為大理訓導就養齋中遇病請禱母病愈遂棄官奉母歸為色養者十餘年母歿盡哀遵禮既葬廬墓三年

朱高郡人五歲喪母事繼母得其懽父歿家貧竭力營葬斷葷獨寢繼母之喪亦如之後以貢任合江學

訓時分俸給其兄及陞臨淮僉游竟歸好義樂施同宗之人共賴焉

仇儀郡人蒙化府學教授將母行母踰八十父客爲難遂乞解官歸雖家貧養薄甚適也蒙化志稱其善屬文事母孝蓋確云

鞠躬郡人嘉靖癸卯鄉試歷江西建昌同知歸親歿廬墓聲茂士林

李希綱郡人父久病不解帶而寢者九年後應貢司訓姚安俸祿所入與兄共之麥舟高義尤不遺於族黨所著有四禮註一卷

曲肅府

本朝李驥曲靖衛百戶少失母與弟驥三世同居怡
性相愛通判沈鑑知縣李棠旌其門

郭蕃郡諸生事母氏克盡心力先人之廬推以讓其
兄弟於月旦無間言焉

徐可繼郡人秉性孝友父病日以舌舐愈尋母病目
亦舐之復明後父母卒各廬其墓三年事聞院道府
獎勵

陳敬字禮之馬龍人隱居不仕得遺金歸其主年八
十七卒

趙俸馬隆所千戶安鈴之難戰死於行陣
錢彥暉馬隆所諸生割股嘗穢而父疾愈

潞安府

元段延聘河陽人幼拆節讀書父早逝奉母盡孝母
歿哀毀踰禮以手履地行一里外負土營墳百五十
日始成事聞旌表曰孝義之門授本路學正歷官臨
安路總管

本朝楊絕河陽人也歲失母孝事繼母張割股愈其
疾友于三弟不以異母異視之有司欲上其事旌表
絕避不出尤人所難

張俊河陽人母嬰奇疾以俊割股而平父錦病疽發
背俊以吮之亦愈

李九得河陽人家貧爲人傭作以養父母親死無以

爲葬益龜勉取直終得葬焉

梁景春浪廣鄉人母劉疾篤景春割股以進延母年
壽至七十五春之子仲成暨仲成之子得松得杞皆
以割股事親相繼三世

王珪字朝玉新興人父思貞歿哀毀欲絕廬于墓側
啜粥飲水如是者三年知州郭鉦以事

聞未報後鉦陞雲南府知府爲作王孝子廬墓序布
政使嚴貞亦爲作贊時爲正統乙丑
萬璩新興人父葬廬墓哀毀踰禮

蒙化府

本朝范運吉字用修舉人父歿於外吉不避艱阻重

謫求之五年不歸後於太和山得其遺骸歸安廬墓
三年事

聞語褒其門

薛志廣蒙化人居親喪容戚而哭哀既葬廬墓時見
野獸馴于墓芝草生焉

郭廷珪字朝信嘉靖壬午舉人仕開封府通判葭州
知州有孝行督學余文獻旌其門孫中丞爲之序
周幾庠生善歐陽率更字篤於古行家四壁立喪葬
依廬不忘悲墓

金鐸字文器有義氣篤於事親葬祭遵禮不爲俗尚
所移

薛居敬庠生母病日夜侍湯藥後益篤焚香懇祝請
以身代母氣逼絕遂潛入園舍書其壁曰以身代母
死遂自縊當路檄府捐金助葬旌其門

楊道東郡人進士事太父盡孝居母喪哀毀骨立尤
好施舍見人之急卽衣人食人不辭也以春秋料嘉
靖甲子省試明年成進士未仕卒於京

鶴慶府

本朝楊叙年郡人正德七年隨父斌之京至天津遇
流劫欲殺斌叙年號泣代死賊憐其孝併釋之仍以
箭爲號呵護之

高科府學生父涯久疾科供湯藥如一日及卒哀毀

踰禮事母阮氏亦如之天殮葬其嫂無依者二人與弟同居三十年

段忠劔川人母早亡父者且病忠竭力傭養時或自枵腹至老不變

楊金劔川人父繼宗為土官下海真所殺金方在襁褓及長知父冤佯拜海真夫婦為父母一日沽酒邀真飲酒酣引刀殺之又潛入為麗江奏他事

命下土官亦死於獄事與近日金華王孝子事絕相類而土司待金究竟無所考

蔣懋官即諸生父以旅亡扶櫬歸屍血流出號泣而舐之既葬廬墓三年晨昏哀奠奉

皆方表揚

姚安府

元趙和姚州白鹽井人母遭兵被虜和年十四思之不寢誠心籲天至遼東見其母主者留不卽遣和奏請乃得與母俱還途遇虎而母子俱無恙

本朝高梓潼賜姚州土官五歲喪父其母譚撫育成就賜性孝母病痿痺晨夕稽顙北辰求以身代遂愈後又病目幾喪明賜爲灸之亦愈後又病癰吮天愈成保間具奏旌表

高棟姚州土舍弘治十六年普安賊叛屠郡縣奉令棟同大理指揮唐永擊之棟奮勇殺賊十餘人追至

板橋驛遇伏兵隻身搏戰中十餘鎗而死巡撫嘉其
義勇以禮歸葬之

高鵠所舍多謀幹善騎射嘗分捕諸夷歛跡不敢爲
寇嘉靖壬午年元江之變布政使徐樾遇害鵠奮身
赴救死之事聞

欽獎恤其後

施琳中屯所人好施濟物立義倉有婚喪不能舉者
必周之捐資修寺觀橋梁人高其義

廣西府

本朝張思郡人山居沉默於物無忤嘉靖壬寅水下
賊阿旦爲梗監司檄本郡撫之衆舉思遂慨然往諭

賊黨聽從尋以瘠厲卒當路旌其義為文祭之

楊新民彌勒州人

趙應元師泉州人俱刲股已父母病

李之節郡人貧而好修事繼母刲股以療之莫母弟
無依撫之若同胞鄉黨稱之

尋甸府

本朝張仲智郡人刲股愈母病

段尚綱郡庠生居喪變夷俗遵古禮廬墓三年

李調陽木密所人刲臂愈繼母疾

馬欽府學生以救母為賊所射母子俱得不死母故
廬墓不復出

張化宣化坊人居家孝友爲里閭所重尋舊無學化
鬻田爲資費赴京請建得允知府戴鰲嘉其義旌之
及卒通判鄭質爲文以祭見儒學碑

武定府

本朝監碧元謀人割股以愈母疾倡義置社倉儲穀
以佐窮乏

景東府

本朝吳瑛郡人歲貢浙江温州府通判以清修孝友
見稱於鄉閭

姜河久郡人親終廬墓

北勝州

本朝譚越瀾滄人成化癸卯鄉試旣中戀戀膝下父
母強之乃仕為華陽令母喪事母益勤因不復出
及母歿並葬後墓產奇花芝草隆冬不變

列女目錄

雲南府

晉李穀女李秀

元皇甫琳妻楊氏

桑知州妻李氏

景縣尹妻王氏

本朝李仁山妻楊氏

嚴士良妻吳氏

魯忠妻張氏

盧英妻短氏

方玘妻曹氏

劉潤妻趙氏

張翎妻胡氏

楊翎妻許氏

閻厚妻金氏

良朝元妻邵氏

吳詔妻張氏

張翱妻胡氏

廖恕妻梅氏

李暘妻黃氏

嚴泰庸公妻施氏

劉體仁妻孟氏

徐昂妻顧氏

王僕妻段氏

凌懋妻孫氏

蘇政妻段氏

楊世履妻段氏

王儉妻史氏

唐錡妻陳氏

楊大韶妻孟氏

李志恭妻王氏

趙文秀妻楊氏

王璽妻李氏

陳孟章妻田氏

王衢妻陳氏

劉琛妻丘氏

羅江妻李氏

鄭儒妻洪氏

楊鈞妻李氏

趙宣妻米氏

孫彬妻謝氏

楊應春女楊氏羅平姐

嚴可富妻高氏

李華妻王氏

陳永川妻程

藍彬妻萬

蔣慈明妻周氏

黃大才妻夏氏

李太倫妻劉氏

繆汝思妻章氏

楊天爵妻張氏

吳英妻陳氏

孟欽妻黃氏

楊友善妻劉氏

孫爵妻浦氏

魏昇妻

周維新妻閔氏

秦春妻王氏

高甫妻趙氏

吳倫妻戴氏

李光憲妻張氏

劉悌妻常氏

姜堂妻吳氏

傅爵妻氏

大理府

漢商長曼阿奴妻阿南

唐鄧賧詔妻慈善

元段功妻阿植

阿黎妻段氏羌奴

本朝胡濟妻奚氏

楊和妻施氏

楊璘妻趙氏

楊謙妻張氏

楊汝爲妻楊氏

趙璘妻王氏

馬明輔妻舒氏

楊洪妻釗氏

趙文振妻劉氏

趙鐸妻楊氏

張守綸妻陳氏

王汝爲妻楊氏

陸彥妻陳氏

王文妻吳氏

王幹妻張氏

楊模妻陽氏

邵麟妻李氏

宋良臣妻郭氏

奚相妻韓氏

楊濟妻張氏

陳完妻氏

楊永茂妻周氏

周鳳妻袁氏

崔喬遷妻李氏

沈秋妻楊氏

劉居寵妻懷氏

濮卿妻吳氏

胡洪妻馮氏

阿旻妻陶氏

楊儼妻戶氏

楊晃妻孫氏

楊燦妻李氏

金印妻李氏

何偉妻趙氏

張課妻劉氏

臨安府

元張友值妻杜氏

本朝陸華妻薛氏

張暉妻李氏

李完妻會氏

喬珣妻許氏

台生妻黃氏

楊雲鸞女楊氏

王家相妻楊氏

楊誥妻尸氏

刑奎妻江氏

高源妻王氏

趙寧妻王氏

曾麟妻曹氏

萬傳妻張氏

李松妻歐陽氏

刑思明妻藍氏

繆忠妻劉氏

馬敏妻楊氏

馬良妻周氏

張顯妻蔡氏

彭景妻金氏

何嚴妻王氏

萬昂妻王氏

王璠妻趙氏

張寶妻李氏

葉萃妻楊氏

劉猷妻朱氏

朱湧妻梁氏

刑思義妻高氏

吳誥妻沈氏

余洪妻徐氏

曾祥妻賈氏

李權妻高氏

胡銳妻葉氏

曹傳妻葉氏

毛鶴妻黃氏

華玉妻普氏

趙仕貴妻李氏

夏効忠妻蕭氏

蔡仁妻吳氏

任官妻李氏

樊惟卿女樊氏

胡世熙女胡氏

伍應祖妻劉氏

楊文光妻馮氏

劉舉能妻任氏

譚敦惠妻李氏

蘇秉鈞妻陳氏

李瓊妻蘇氏

楊中紀妻吳氏

楊鼎妻何氏

李茂妻周氏

楊本妻范氏

王勛妻趙氏

段宰斐妻王氏

楊懷妻萬氏

李廷琛妻吳氏

李萬妻王氏

祁會妻張氏

孫應鵬妻戴氏

劉經妻張氏

楊以傑妻沈氏

趙華妻孫氏

孫汝才妻段氏

東欽妻盧氏

蘇志廣妻杜氏

張治妻耿氏

王惟新妻杜氏

葛阜妻夏氏

楊藩妻劉氏

張國憲妻徐氏

趙署妻張氏

吳從仁妻江氏

杜雲漢妻吳氏

永昌府

元黃善妻張氏

本朝夏寧妻葉氏

谷天生奴妻楊氏

李勤妻張氏

張輟妻顧氏

黃桂妻李氏

吳璽妻張氏

林鳳妻閻氏

宋氏

俞富妻阮氏

謝定妻王氏

朱鑑妻徐氏

吳氏二女貞烈貞潔

閔訓妻馬氏

白浩妻閔氏

梁毅女梁氏

戈諫妾韓氏

張本妻胡氏

華松妻林氏

常應學妻梁氏

陸緒妻王氏

趙萬善妻陳氏

岳松妻陳氏

陳大道妻汪氏

楊啓升妻李氏

鄧文妻黃氏

楊澍妻岳氏

文顯妻易氏

陳溥妻趙氏

易原鼎妻龍氏

李達妻席氏

朱正學妻張氏

張思仁妻王氏

梁貴妻邵氏

瞿爵妻朱氏

楊椿妻張氏

劉傑妻毛氏

閃應華妻穆氏

潘承志妻邵氏

袁必通妻張氏媳陳氏

趙璿妻鄭氏

蔣希賢妻袁氏

劉儀妻李氏

陳大猷妻馮氏

張晟妻鄭氏

廖惟燾妻吳氏

胡來觀妻陸氏

楚雄府

本朝李銓妻楊氏

羅剛妻李氏

陶濂妻梁氏

戎琳妻伍氏

張時詔妻仇氏

楊循政妻趙氏

蘇蘭妻董氏

何景妻馬氏

楊伯堅妻李氏

滕秀宗妻金氏

周國禎妻張氏

包遇景女包氏

衛宜妻揣氏

周瑞妻徐氏

邵敏妻戴氏

段熙妻陳氏

俞汝諧妻仇氏

曲靖府

元燕帖朱妻脫脫懷氏

本朝王子臣妻趙氏 楊威妻王氏

張濬妻馮氏 陳蕃妻任氏

朱愷妻馬氏 朱臣妻陸氏

莊鑑妻鄧氏 張武臣妻曹氏

李文妻戴氏

徽江府

本朝楊永延妻董氏 李全妻張氏

江淮妻方氏 王安壽妻李氏

謝居用妻王 杜誼妻楊氏

李宣妻陶氏 陳必安妻王氏

徐麟妻王氏

李餘祥妻黃氏

潘雲龍妻張氏

韓琮長妻張氏

陳俊妻顧氏

朱震春妻張氏

賀璽妻程氏

速太用妻陳氏

張以時女張氏

秦世賢女秦氏

袁志聰女袁氏

蒙化府

本朝左綱妻張氏

趙奴宣妻楊氏

唐齡妻胡氏

董朝儀妻羅氏

左明理妻張氏

劉崇學妻陳氏

馮古傑妻詹氏

官愍妻雷氏

楊謙妻薛氏

鶴慶府

本朝許喬遷妻樊氏

李醜妻李氏

劉旌妻張氏

楊從宜妻李氏

徐文宗妻張氏

段廷實妻尹氏

羅雲鳳妻段氏

李樂道妻楊氏

姚安府

本朝高惠妻譚氏

陳友忠妻魯氏

靳誌妻趙氏

劉濟妻胡氏

蔡銓妻張氏

徐淮妻樊氏

王經妻張氏

張震妻王氏

廣西府

本朝郭尚賢妻趙氏

趙理妻張氏

趙信妻楊氏

楊大謨妻段氏

尋甸府

本朝袁謙妻蘇氏

馬永增妻馬氏

王愛妻徐氏

夏綱妻蘇氏

武定府

本朝李臻枝女李氏

何天相妻高氏

景東府

本朝阿曩

劉藻妻陳氏

元江府

本朝楊德先妻馬氏 何源深妻曾氏

何源清妻李氏 王諱妻黃氏

李儒妻楊氏 馬宗範妻白氏

麗江府

本朝高長妻木氏藥師能

木青妻羅氏

順寧府

本朝猛紕妻易朶 猛朋妻易喬

奉祿妻猛氏 猛卿妻陶氏

雙夷婦夜梅

北勝州

本朝譚本仁妻姚

李喬妻范氏

盧惠妻寧氏

孟連長官司

本朝刀派羅妻招景猛

列女

取賢媛而傳焉自吾家子政今觀所彙錄皆從父
得孝從夫得令從子得慈總之酒食絲枲以佐祭
祀賓客示居中有入而已其在貞順節義者亦因
時而顯無甚駭異儀且無言況於非歟滇前志收
採若而人庶幾比絮前修無令專美然就中格外
飭激太過者時不乏焉家子玄見之有遭彈射與
蟲虻羅敷共曰論者要以不俟詩書自成琦瑰表
表如阿蘊等輩豈惟共國恤而起家聲有死夫而
夫當愧死者卽附七傳之後曰以愧後世之爲孽
婦者奚不可哉抑又遠方女士之至行也歟惟雲

南郡一人尚在例不能遽書

周雲南府

番黎秀寧州刺史李毅女時寧州頻歲饑疫五苓夷
從團州撤其父病卒州人以秀明達有父風推領州
事秀獎勵戰士嬰城固守城中糧盡炙鼠拔草而食
伺夷兵稍怠輒出兵擊破之

元皇甫璠妻楊氏桑知州妻李氏景縣尹妻王氏俱
昆山人以貞節旌表

本朝李仁山妻楊氏邑人山蚤世楊年十八生女未
踰月父憐之諷令更嫁楊嗚咽斷一指曰指續可嫁
竟不能強洪武末旌表

嚴士良妻吳氏福建侯官人洪武二十二年隨夫戍

漢年二十夫喪撫遺孤守貞四十餘年宣德間奏

闕旌表

曾忠妻張氏志前衛千戶密卒張華三十母

盧英妻鍾氏英任雲南左衛指揮喪時短年十九

方紀妻曹氏後衛人早寡能終其節後以子貴

贈夫人太學士李公東陽有可貞堂記

劉濶妻韓氏濶爲後衛指揮卒誓死不二事

張翔妻胡氏在衛人夫亡斷髮自誓姑遺疾至再竭

誠籲天醫藥隨試輒效

楊翔妻許氏翔雲南舉人卒許年二十七

閻鳳妻金氏厚雲南府學諸生卒無子金時年二十

五號慟殞絕口鼻血流家人將屬續矣厥明復甦遂竭力養繼姑四十年有奇

郡諸生良朝元妻卽氏良卒卽年二十撫其遺腹一子後亦夭折矢志不二紡績自給壽九十而終

吳詔妻張氏右衛人夫亡年二十六事舅姑撫三子胡氏教諭張翱妻翱亡後蕭然四壁孑然二孤胡氏不以此易其節壽七十終

梅氏教諭廖忠之繼妻忠亡梅甫二十有四甘貧守節撫二子應和應奎如己出俱選貢

黃氏舉人李陽妻年二十有二夫亡矢節四十年奏聞旌表

施氏光祿少卿昱之女嚴恭蕭清之元配屢封夫人
端淑整潔公歿歷雖久而挈家之日少夫人為理門
內之政子弟僕僕肅然憚之年八十而卒家教靡弛
一如公之存也

劉體仁妻孟氏仁任保寧府判卒於官孟躬閱閭閻
以夫樞返尋忍死課訓諸子紡績糊其口篝燈丙夜
諸子讀書咿唔聲與杵機軋軋相間發也後六子相
繼以科第貢薦振其家聲全滇聞之莫不賢其母受
恩封為安人

以上俱遵前志一字不敢改易母是于
萬曆十二年後以子類徵等歷官考滿

始封太安人後贈
恭太人又贈淑人

徐昂妻顧氏年二十而寡撫二孤曰行曰言行以鄉

舉授合江教諭卒於宦婦鄭氏年二十有七婦姑一志相悅以守後十年鄭先歿死亦有二雛孤曰麒曰麟顧文爲撫之苦倍而志益堅年八十餘御史孫公用表其門曰雙節

王僕妻段氏郡人嫁七年而夫亡子萬年在襁褓養姑教子終三十餘年

凌懋妻孫氏晉寧人夫卒巨家慕其賢執謀委禽姑諷之號泣截髮竟不能奪

蘇政妻段氏晉寧人年二十一夫亡守節姑欲奪之段潛入暗室斷髮自經姑覺救而甦自是閉戶食女紅之力以養其姑號泣喪明

楊世泰妻段氏晉寧人泰卒段年二十有二事舅姑
不再嫁撫遺腹子偉成立

王倫妻史氏晉寧人倫卒史年二十不更嫁俱奏
闕旌表

唐錫妻陳氏晉寧人夫卒陳年十九家貧無嗣姑徐
諷以改節陳涕泣而已甘貧奉姑遇病嘗藥而後進
內外姻戚不輕見如是者六十餘年撫接獎其門
楊太韶妻孟氏晉寧人夫亡無子矢志養舅姑縣十
九寡居歷五十餘年年

王氏新興王永女年十四歸呈貢諸生李志恭生二
子皆幼恭疾篤以爲憂年自誓不相背負以暝夫後

有見其貧微諷之者王泣曰吾與三孤相爲存亡耳
後長成皆遊庠較王以壽終事

閻旌表

趙文秀妻楊氏安寧人夫亡教其子志操無替事

閻旌表

王璽妻李氏安寧人年十九有夫之喪伏棺慟哭欲
繼以死母武氏知有遺腹以續祀事晚之乃悟茹蔬
斷腥每食薦于主後雖生女不以易也歷四十年終
萬曆十五年

題表

陳孟章妻田氏孟章爲南戶部主事先娶楊氏有子

女繼聖田氏七載而孟章塲田年二十有一號呼欲
總刺面毀形敬事若翁有諸女及庶居四十年萬曆
三十一年

題旌

王術妻陳氏祿豐人年十六夫卒伯叔憐其無子欲
奪其志恚赴水死賴鄰婦朱氏急救得生奏

聞旌表

劉琛妻丘氏楊林所人琛亡丘年二十二守志不渝
遺腹三月生子緒撫之成立成化間奏

聞旌表

羅江妻李氏嵩明人江爲南昌司李遭疾李每嘗藥

而進弗愈繼以割股竟弗愈及夫歿猶乞死以殉弗
獲扶柩歸哀慟喪明適有寇至抱夫遺像投水母姊
救免焚剗一空益勵苦節嘉靖二十年奏

閩旌表

鄭儒妻洪氏嵩明人儒計偕卒於京訃至洪屢縊以
從其姑輒救之得免守節甘貧與姑同眠食閨不踰
衣不彩督幼子而誨之

楊鈞妻李氏夫任永安守卒於官痛哭幾絕携一幼
子扶柩還里至黃陽堡遇寇至懼爲寇所辱遂赴水
死永安人思鈞之清高李之烈爲建雙節祠於江干
趙宣妻米氏石衛人宣卒米年十九誓不二嫁時南

寧伯毛福壽以征麓川師歸在滇謀欲安之米曰善
爲之辭必欲強委禽惟有死矣不能奪守五十七年
終年七十六

孫彬妻謝氏彬吳太廣南衛軍承樂初挈謝戍交趾
清化衛彬子敬彬卒謝守節久之有

詔復安南國歸廣南同戍者強敵遵海而南潛歸吳
下謝聞而諭之曰汝父占戎籍汝私還勾牒必至自
罹罪也且滇吳萬里浮海巨測萬一不諱而葬魚腹
而食其爲若赦之鬼手乃引敬匿神祠中睨同戍者
遇盡循故道徒走艱關歸孀居五十餘年壽八十八
而終敬後以軍功授本衛百戶

楊氏羅卒姐昆明楊應春女年十五時許聘三汭縣
楊東明未歸東明卒女屢覓死以救得免母欲改嫁
不從自縊死事

聞詔許祠祀今永清門內烈女坊是

嚴可富妻高氏宜良人年二十七富卒以女紅給諸
子墓祭歸途拾白金八十餘訪其人歸之子鎮妻汪
氏亦年二十七夫卒生遺腹子容矢志如其姑皆壽
終鄉人稱爲嚴氏雙壁大學士李東陽作傳謝遷爲
記巡撫都御史王啓爲贊

李華妻王氏宜良人少通孝經列傳年二十一而華
死生子甫三月比長之曰節字之讀書歷五十餘

年子亦奮發得入仕

陳永川妻程氏藍彬妻萬氏俱宜良縣人

蔣志明妻周氏歸化縣人俱以婦節旌於里門

黃大才妻夏氏歸化人爲夫守節爲翁割股

李大倫妻劉氏呈貢人夫卒無子撫幼姪延馨如已
出後舉鄉魁爲茂州守

繆汝思妻章氏呈貢人思縣選貢中鄉舉卒於京章
鬻產歸其櫬葬焉隨以親老子幼誓守不二撫育諸
子長孟麟以明經爲學博士

楊天爵妻張氏安寧人夫死無子寡居者三十八年
吳英妻陳氏昆陽人早寡而節不渝壽九十

孟欽妻黃氏嵩明人年二十二喪夫有子半歲不能
自食躬舄哺之垂十五年

楊友善妻劉氏楊林人年十八執夫之喪撫其遺腹
子竟不嫁

孫宙妻浦氏烏撒衛孝廉浦仲長女從夫宦京師夫
以上林左藍丞卒于官二子方在襁褓剪髮撞棺忍
死扶柩歸既葬守塚傍慟哭不食死于墓丘

魏昇妻滇池人許聘未嫁會昇以罪遣戍騰衝妻意
欲歸而偕往然不敢言其父母不忍也謀爲昇別娶
爲女別嫁有成說矣乃潛製一布袋屆期用袋盛身
向內自束其口投水死舉家覓之不得姻家將訟屍

尋浮出漢者見之事乃明姓氏不傳滇邑不載爲前
兩誌所惜今從永昌移入之

閔氏郡諸生周惟新妻夫亡年二十九撫諸子教以
父書辟繡以佐膏火稱未亡人五十餘年臺使者旌
其門曰筠霜護日以子作樂貴封太宜人維新

贈奉政大夫重慶府同知及卒前撫周公嘉謨臨其
隴以石題貞節二字

王氏昆明人太和教授秦春之妻春死王年二十二
囊無尺帛餘財矢死不二督學蔡公雲程聞于臺院
數嘉獎六十五未及旌而卒

高甫妻趙氏昆陽人夫歿時二十餘筑居撫孤永矢

靡它歷四十餘年如一日臺司旌其門卒祀子祠知
州陳萼爲詩紀其事作州耒耜採焉

吳翰妻戴氏翰諸生卒戴年二十七紡績自給不變
寒焉

邑諸生李光憲妻張氏郡人年二十四光憲死遺孤
襁褓舅姑在堂矢節不二姑疾爲祈天割股全活之
守節四十餘年

劉愔妻常氏郡人悌卒常年二十有六家四壁立遺
孤甫三月矢死不二以女紅自給撫子以存氏因名
曰大節歷六十餘年節旣成立爲諸生娶嚴氏節亦
卒家道益督嚴甘貧守節亦撫其孤中庚子鄉試鄉

人稱雙節云

姜豈妻吳氏於萬曆四十五年巡按雲南監察御史
吳應琦以節婦具

題准建坊旌表其門

傳爵妻姜氏三伯人廿齡而孀撫其子以任教以義
淑子克家士民嘉之白于臺司表揚

大理府

漢阿南酋長曼阿奴之妻其夫爲漢將偏裨郭世忠
所殺欲妻之南曰能從我三事乎一作幕次祭故夫
一焚故夫衣易君新衣一全國人偏知禮嫁如其言
聚國人張松幕置於其下阿南袖刀出令火熾盛乃

樊耒衣自引刃斷身仆大國人衆之每歲以是日然
炬聚會以燭之後人名爲星回節及南詔滅六詔亦
以是日舉火或以星回節爲滅六詔遺事非是

唐慈善御賤詔妻也開元間南詔諸合六詔爲一遂
因星回節會是以大滅之明日各詔妻尋夫骸不識
惟慈善昇之以歸初慈善止夫勿行行必得福弗聽
乃以鐵劍約其臂而別至是果罹禍詔剗面得夫骸
南詔妻以幣聘之善以夫未葬爲辭乃治葬事竣堅
閉其城南詔王發兵圍之三月食盡盛服端坐而卒
南詔悔旌其城曰德源

孟商禮梁王即主平章段功妻也梁王忌平章欲鴆

之禮知其謀必告功不信遂遇害禮執喪矢死哀其
夫作詩以見志

段氏羌奴一名僧奴段功之女將歸阿黎氏自閨中
出繡旗示弟寶曰自我省事之且聞父冤欲復不世
之讎于果玉專侍汝長成繡此旗今七年矣我至建
昌會提父兵此旗爲符慎勿我違謹詩爲別

本朝胡濟妻吳氏濟爲千戶卒吳年十六姑憫之爰
以娶婦以養母也母無他子誰適焉養其姑不能奪
其後有

詔旌其門時天順三年

楊和妻施氏楊璘妻趙氏進士楊倬倫母楊謀妻張

民太和參增叔夫亡守節有司奏

聞旌其門曰孝三節楊公一清周公洪謨嘉其事
洛陽府記以來之

楊汝爲妻陽氏太和人夫亡撫幼子柁居一室女紅
自給家人不見其面柁登進士鄉人曰賴有賢母

趙璘妻王氏趙州人許聘後有士官顧納白金五百
續璘聘資黃金五十續其父其父欲改圖不從竟歸
璘未二年璘患瘰癧十年不愈病且革遣命更嫁王
盡髡其髮納璘袖曰以矢同穴璘既卒父母舅姑又
強之嫁不從遂垢面率其孤同農婦作止又有富家
強委禽者王聞拊胸吐血發憤卒

馮明甫妻舒氏汭海人輔焉百戶卒舒年十九守節
義舅姑撫所承襲六十餘年而終

楊洪妻劉氏太和人年二十而寡洪父洪病甚父母
欲改嫁不從竟歸洪侍藥顧禱踰月而洪死劉遂自
縊

趙從孫妻劉氏太和人振爲通判病卧床褥劉侍之
甚謹踰年如一日旣卒劉送葬歸自縊死家人視其
藏惟殮如一日耳

趙鐸妻楊氏太和人年二十五而夫卒人以其有姿
儀欲奪其志矢死撫孤竟不渝八十有二而卒

張序倫妻陳氏太和人倫爲舉人卒明日陳隨自縊

督學趙維垣以烈婦旌之

楊氏步叅楊南金之女諸生王汝爲之妻年二十六
汝爲死環土于室四十年家人不見其面甘貧撫孤
鄉人稱之

陸彥妻陳氏太和人年二十八夫卒無嗣孀居三十
三年卒之日遺言以其產爲祭田

王文妻奚氏太和人歸三月而夫客死時年十有八
笄年無依以節自誓夫之弟欲得其產迫之奚曰姑
少待之未幾生遺腹子幹遂育孤以女工自給足不
踰閭鄰婦皆不見其面幹長爲之娶婦有孫舉於鄉
八十五而卒

張氏太和王幹之妻其家被火災時火刑慘甚夫畏
官刑赴火死災後產業一空張守節教子季子邦泰
領鄉書稱賢節云

楊模妻陽氏太和人年二十六夫歿于外歸櫬之日
悲痛齟棺齒爲之落守節以壽終

邵麟妻李氏太和人年二十五夫卒家貧辟纒自給
撫二孤皆爲諸生

衛千戶應襲宋良臣妻郭氏良臣卒時年二十八生
子乳甫四歲甘貧守志撫子長成襲祖職歷四十餘
年胤亦善事母當路扁其門曰樹節風賢

奚相妻韓氏相爲大理衛千戶蚤卒韓守節不移鄉

公重之

楊濟妻張氏太和八年二十七夫卒守志終其身
陳完妻張氏完爲大理衛千戶卒時張年二十六撫
子化鵬襲世官

楊永茂妻周氏太和八年二十夫亡無子甘貧守志
齋居禮佛而已分巡僉事陳應春扁旌之

周鳳妻袁氏鳳爲大理衛指揮卒袁守節撫其子瑞
娶徐氏瑞卒徐亦撫其子之冕守節如其姑兩臺旌
之曰雙節

崔喬遷妻李氏太和八年喬遷爲諸生蚤逝李矢志不
二陳公亦旌之

沈秋妻楊氏太理人夫卒衣不周身內戚撻以紆衣
楊向夫子生不受今憐遂以敝服飲庶幾黔妻妻之
風焉甘貧育子以勤苦終

劉君龍妻懷氏早棄而妻家貧苦節觀風者崇獎焉
而戶牖卿妻吳氏夫死守節二十餘年而終

胡洪妻馮氏趙州人年二十也夫歿甘貧誓節鄉人
皆稱之

阿是妻陶氏夫爲鄧川州土官未襲而卒時陶年二
十六撫孤守志三十餘年弘治間旌表其門

楊儼妻尹氏鄧州人少失所天撫其子九齡齡卒其
妻亦能守

楊晃妻孫氏鄧川人夫爲庠生卒孫年二十五孀居
無姑當道張楊壽百有三歲

楊燦妻李氏廣川州人二十四而夫世舅姑老在堂
紡績以供聞有求娶者毀容斷指年五十而終

李氏趙州舉人金印妻父病曾割股進之冲年失夫
孀居四十五年不異志

趙氏太和縣儒童何偉妻傭以母病覓藥溺水死趙
氏大慟亦死之奉

旌其門曰貞烈

劉氏雲南縣諸生張課妻歸寧偕夫行遇寇于途乃
皆避入蔡氏之家寇追及之劉意冠如猛獸得人當

出以身捍門寇欲掠之厲聲罵賊奴寇加刃于頸曰
宜速殺我不受辱也刃矛交集數創後猶裂裳塞痛
捍門不移竟死門間其夫獲金有司上其死事狀臺
司檄祀于祠

臨安府

寇張友值妻杜氏通海人杜蓮之女年十有八夫卒
誓不改節教子壽八十二而卒至正間有司聞於朝
旌之

本朝陸華妻薛氏華河西土官知縣卒薛篤守節操
撫鋤孤子萬鍾成立景泰間有司奏

闕旌表其門

張睇妻李氏寧州人年十九喪夫屏華飾堅苦節事姑克敦婦道

李先妻曾氏先爲臨安衛指揮蚤卒曾以死自誓撫其孤仁成立仁卒撫其孫中珍中珍卒又撫其曾孫五十餘年齋蔬自守嘉靖二十五年巡按御史郝銘聞於

朝旌表其門子婦樊氏孫婦趙氏亦皆孀居守志稱世節云

喬珮妻許氏通海人年二十一夫卒守節自誓教子相有成事

聞旌表

台生妻黃氏通海人年二十喪其夫甘貧守節孝養
舅姑撫育幼子宗老欲奪其志不從事

閨旌表

楊雲鸞女石屏人見父乏嗣遂盡孝誓不字人父病
刲股以救之年六十八鄉里罕見其面州人呼爲孝
貞女

王家相妻楊氏石屏人家相死楊時年二十七矢志
事姑教育其子夔龍登進士巡按御史以

閨旌表

楊誥妻尹氏誥寧州庠生早故尹年十七無子誓節
不渝年八十餘卒臺司以

閭建坊旌表

荆奎妻江氏郡人正統中隨夫戍廣西南丹衛未幾
奎卒江年二十七廣人留之不聽乃攜孤五人負骸
歸葬臨安家計甚窮安貧教子後以子幹貴封安人
高源妻王氏郡人年二十四夫卒子宏方四歲王紡
績供之後宏長襲父官王以壽終

趙寧妻王氏郡人年十九夫喪無子父母欲令改志
誓不從孀居四十餘年而終寧之女適徐果早寡勵
節如其母

曾麟妻曹氏郡人年二十六麟卒孝事舅姑撫育幼
子終無異志

萬傳妻張氏郡人年二十二傳卒無子誓不他適紡績以養舅姑終喪如禮既乃慟曰夫沒無嗣所不死者爲舅姑耳今吾事畢矣遂自縊於寢室家人覺而救免獨居六十餘年睦親樂施凡族人有婚喪不能舉者無不周濟

李松妻歐陽氏郡人年二十七松卒遺孤燁方三歲家貧紡績育以成人壽六十有四

刑思明妻藍氏郡人年二十七夫亡無子人勸其再適藍乃自縊鄰人救之得不死壽至六十餘

繆忠妻劉氏臨安人忠死時年三十甘苦食淡誓不異志子昇娶王氏亦與姑同節當道復其孫養之

馬敏妻楊氏建水人年二十而孀居撫孤終老

馬良妻周氏建水人年二十四夫亡子喪誓無他志

張顯妻蔡氏建水人年二十夫卒生子坦甫四歲同

妾趙氏年十九守節撫孤其後坦長娶譚氏尋卒譚

年二十守志亦如其姑鄉人稱一門三節

彭景妻金氏建水人景病革託以老母幼子及卒不

負天託

何儼妻王氏郡人正德間儼縣鄉舉授四川銅梁縣

知縣未任卒於京二子俱在襁褓時王年二十有五

家貧如洗誓不改節貴族有行媒覘其意者斤拒之

諸姑以爲言卽欲求死撫教二子甚謹撫巡康其貞

節旌之

萬昂妻王氏郡人夫卒時年二十三養姑撫子至親
罕見其面有老嫗誘言以探其意王卽引刀斷指其
節凜然

王璠妻趙氏名惠澄建水人幼寡言笑年十五歸璠
後卒趙哀毀幾絕蔬食終身

張寶妻李氏建水人生子瓊甫二歲寶以貿易沒於
和泥遺腹生子負將二雛孤行扶櫬歸葬時年二十
二育子守貞垂四十年而歿

葉萃妻楊氏郡人年二十一適萃僅三年萃卒欲自
盡家人防之得不死朝夕呻吟思其夫明年七月十

三日夜果見夫來迎遂嬰疾乃託孤於兄踰年而卒
劉銀妻朱氏郡人年二十七夫亡無子守節不二獨
居紡績壽九十一而終

朱湧妻梁氏郡人年二十夫亡無子守節壽終

刑思義妻高氏郡人年二十六夫卒無子悲號幾絕
與一老婢紡績自給壽八十終給事中李過元爲志
其墓

吳浩妻沈氏郡人浩死沈年二十四子尚襁褓誓不
改節

余洪妻徐氏郡人洪任訓導卒於官徐年甫三十扶
櫬歸葬撫孤成立親鄰罕見其面

曾祥妻賈氏建水人祥中鄉舉卒賈守志撫孤歷五十年子孫相繼成立皆其力也

李棟妻高氏鄰人夫病苦時以子女皆幼囑其鞠養高許諾後皆長成婚娶

胡銳妻葉氏郡人二十三而夫死養姑育子罔有異志

曹得妻葉氏郡人痛舅之亡欲即死不可得乃截耳置棺中聞者竦然家貧善事其姑撫弱女冰蘖之操聞於當道甚加憫恤

毛鶴妻黃氏郡人夫亡號絕什地親戚勸之常坐一室是不越門限課子守節五十餘年人以苦操稱之

華王妻蕭氏郡人王以指揮累於兵事資裝殆盡普
守貧育孤嗣業以終

趙杜貴妻李氏郡人夫喪家貧紡績育孤爲郎庠生
人稱其節

夏効忠妻蕭氏郡人夫亡誓死撫其孤相依乳乳

蔡仁妻吳氏郡人仁亡吳少且無息人勸之嫁剪髮
誓死終養舅姑

任官妻李氏官貢之京卒李年二十餘守節課三子
皆業儒廩與子宮每聞旌節之舉輒止之謂婦人分內
事壽八十卒鄉評重之

樊女新安王戶樊惟卿女八歲失怙恃其兄許聘府

庠生胡啓遇貧有疾弗克娶祖母欲奪而嫁之女聞
泣曰從十而終婦道也聘卽大義定矣胡可更耶
乃自縊家人覺解其屍惟抱胡生原聘物耳時年二
十有一隆慶三年巡按田應弼布政陳時範爲文墓
祭旌其閨曰貞烈

胡女府庠生胡世熙女五歲許聘指揮孫治男孟
麟麟遭疾將危時女甫十二秘割股煎羹告於母令
使以進尋延數日方故隨欲自盡賴母救得免竟歸
孟麟家守志不二五十年餘年院道獎勵給以月糈
伍應祖妻劉氏應祖故劉年二十有二子萬鐘尚幼
年貧棄孀姑撫子成立公舉結勤督學扁獎

楊文光妻馮氏文光府庠生娶馮僅椿年卒馮年一
十七歲且無子女剪髮入棺以死誓卽不食或以舅
姑之存解勸乃紡績以養比沒喪葬如禮守節四十
年卒

劉舉能妻任氏舉能娶任二年物故任年十九家貧
無業者四十餘年而始終一節

譚敷惠妻李氏敷惠家食貧十九遠貿姑性嚴李拮
据代子舍以養敷惠卒李年二十餘甘貧養姑守志
不二者五十餘年學使者旌其門曰貞心苦節

蘇秉鈞妻陳氏石屏人夫九喪夫始終一志

李瓊妻蘇氏石屏人蚤喪夫字貧訓子人稱其節

楊中經妻吳氏年二十夫卒矢志撫孤州人稱之
楊鼎妻何氏年二十五夫亡躬操機杼事孀姑吳形
影相吊一門雙節奉

旌表

李茂妻周氏阿迷人年二十八夫卒二子二女紡績
養育底於成立

楊本妻范氏阿迷人年二十一喪夫無子父母不能
奪其志孀居四十年人無間言分守參議趙淵表其
門曰節婦

王勛妻趙氏阿迷人年二十夫卒撫孤子就學後子
婦皆卒再撫遺孫成立人以爲難

段文斐妻王氏阿迷人夫卒遺孤子二女六躬織紵
長養之無他志

楊懷妻萬氏阿迷人夫以公事溺水死萬聞訃自縊
其姑救免遂自誓守節院道獎勵

李廷琰妻吳氏阿迷人夫病篤額天刲股進食獲愈
州以事聞院道獎勵

李易妻王氏阿迷人隨夫赴任武昌割股救夫楚之
當路移白本省嘉獎焉

祁會妻張氏寧州人年二十一喪夫舅姑欲奪其志
斷髮自誓姑終不渝年七十有六勸寄旌表

孫應鵬妻戴氏寧州人年十八喪夫事姑甚孝守節

八十二年勸簪旌表

劉經妻張氏通海人夫患疫疾籲夫代死夫卒依孀
母陳氏閉門紡績聞有求聘者輒抱遺孤慟哭伏地
誓死不從事聞旌獎

楊以榮妻沈氏通海人夫爲庠生家貧紡織以資膏
沐年十八喪夫遺腹方五月有利其產謀令改嫁沈
聞抱兒向靈號慟仆地乃自縊得鄰婦救免歷四十
五年而終

趙華妻孫氏通海人華卒撫孤廷相及長娶張氏年
二十廷相亦卒張撫遺腹子守志如姑

孫汝才妻陳氏通海人年十七夫亡家貧無子有執

家欲娶爲繼室不允守志終身

東欽妻盧氏浙江光山人欽父任御史以事累謫戍
通海未至夫婦俱卒有司赴其家以從盧與夫至通
海未幾夫征和泥沒於兵盧日夜號痛勵志自守有
爲張氏子求聘者拒之不得乃自縊於室救之甦張
強致聘盧號慟仆地欲絕復不食者三日夫之妹使
其從已遠避盧樣許之行及海畔投水死

蘓志廣妻杜氏河西人志廣死守節時甫年二十三

張志妻耿氏河西人志死守節時甫年二十三

王維新妻杜氏河西人維新死守節甫年十九歷六

十年而終

葛阜妻夏氏河西人阜爲諸生卒夏年二十有五守節歷五十二年

楊藩妻劉氏河西人藩亡無子劉年十八飲血字節始終不渝

張國憲妻徐氏繇未字旣嫁于母于夫子舅姑割股者四人稱賢女孝婦云

趙署妻張氏蒙自縣人孀居八十二年撫育孤孫年至百歲以節壽聞

吳從仁妻江氏蒙自人從仁故江年二十二甘貧守節事姑訓子始終不渝

杜雲漢妻吳氏蒙自人夫亡吳年二十一安貧訓子

年九十有五

永昌府

元黃善妻張氏名藥師蓮永昌人年十六適黃氏生
子定五歲而夫亡張年二十二家貧守節撫育遺孤
大德己酉張年七十一尚無恙定赴京訴其母之貞
操情甚激切詔旌其門授定以鎮撫

本朝夏寧妻葉氏即人年二十六夫卒一子方五歲
時姑下已孀居二十二年葉紡績以養志節凜然教
子讀書有司以

開旌表其門

谷添生奴妻楊氏騰衝人生一子名金山正統三年

思仁冠邊舉家出避金齒奴從征中嵐瘴死楊痛哭
遂自縊于夫柩之傍所司上其事

詔旌其門仍復其家

孝勤妻張氏郡人年二十六夫卒生事蕭然竭力養
嫠姑撫幼子年八十七而卒御史劉廷儀疏

奏旌表

張較妻顧氏較充騰越學生病劇時顧年二十有五
涕泣不食預置衣裳以俟一女甫七歲時一簣以昇
之較卒遂飲毒其母以他藥救解暹夜分自縊死有
司疏

聞旌其廬曰貞烈

黃桂妻李氏桂爲騰越諸生年時年二十四不御簪
珥以養姑教子爲事姑歿家故日落殯葬薦祭竭力
營辦年七十餘貞操如一日有司疏

闡表其門

張氏諸生吳璽之妻騰越人年十七歸璽踰年璽卒
張執節無二教子有成事

闡旌表

林鳳妻閻氏騰衝人年十七歸鳳四年鳳遭疾密刺
豚而脯之以進弗愈因謂閻曰吾度必不免汝少索
何閻泣曰所不能從夫者以二子在襁褓耳而敢有
他志鳳死杜門深居雖鄰婦亦罕見其面孝事舅姑

及相繼沒後勉力襄事未嘗以孤寡縮骨焉疏

聞旌表

宋氏金華人其夫任閬州守洪武中以誣卒於歙宋
坐戍金盞扶其孤來戍節操凜然有郵亭題壁詩嘉
靖初本年御史陰汝登立祠以祀之三十二年御史
黃中刻其詩於祠中

俞富妻阮氏俞祥妻黃氏俞本合肥人

國初與籍金盞從征安南兄弟俱戰死阮年二十黃
年亦九俱誓死無他學士汪諧名其堂曰忠節芳傳
謝定妻王氏即人定任四川開縣尹傷寓不歸父母
皆八十餘王躬紡績以養之及病篤躬拭穢汗翁辭

之王由有天日在及卒惟一小室幣五金治葬人勸之性求其夫曰彼不吾顧矣遂空之以終

朱鑑妻徐氏郡人年夫十夫卒五月生遺腹子豫初鑑娶王氏生子五歲而王卒至是徐誓死守志紡績以養舅姑撫育幼子年七十三而卒

吳氏二女長曰貞烈次曰貞潔其父指揮吳貴本直隸繁昌人貴卒子經綸繼卒無嗣二女憫其絕世間關走

闕下哀求得移檄繁昌取吳雄者嗣之二女竟誓守女節以終後合葬於郭外題其墓曰吳氏二貞

閔訓妻馬氏郡人年十六適訓越四年訓卒遺孤紀

甫三歲瑀甫二月父母欲奪其志悲咽不易也翁姑與子是奉寔育卒之年七十有四

白浩妻因氏郡人年三十浩卒家貧子幼且罹多難苦節堅持父母不能奪有司崇獎題其門貞節遺芳梁氏女永昌衛人梁毅女年十六一日父母俱外出梁獨居有俠少往挑梁大怒逐之泣訴於其叔母及暮自縊於俠少之門聞者淚下

戈課妾韓氏無錫人年十七諫判東昌時納以爲妾後官一事卒韓守節自誓或憐其少欲奪之韓自縊於私室分巡僉事安如山檄郡縣旌其門

張奎妻胡氏永平樂人年二十八而本亡胡六十餘

年守節不二其妾陳氏與嫡同志而並稱焉御史林應箕旌爲雙節

華松妻林氏松騰衝衛後所千戶林年十七松卒矢節養姑撫遺腹子復春襲松職未幾又死林哭之哀再撫孤孫以存華氏

常應學妻梁氏騰衝人年十八歸應學六閱月應學卒梁拊膺痛哭隨自縊死鄉人哀之

陸緒妻王氏緒爲騰越諸生蚤卒王守節每當全節輒哭不已鄰里聞其聲咸爲楚惻歷三十餘年卒

趙萬善妻陳氏善騰越諸生病時陳多方調治不愈籲天割股救之及歿自縊家人急解得不死其姑嚴

防之計不獲施則耳以見志觀風習學屢致獎云

岳楊妻陳氏騰越人早寡矢節不移養姑教子臺使者旌異之扁以貞節

陳大道妻汪氏騰衝人年二十二而夫亡守節育孤貞操一致

楊啓升妻李氏騰越人啓升以瘁生應試疾卒李方二十一歲守節教子二十餘年人無間言

岳氏騰衝人適千戶鄧文踰年而文卒婦姑母兒相依為命者五十餘年竟以壽終

楊澍妻岳氏文顯妻易氏俱騰衝人澍於弘治間病劇顯為諸生應試感疾岳與易皆割股為糜以進夫

病感愈

陳溥妻趙氏易原男妻龍氏李達妻席氏皆因夫早
世守節撫孤成立

朱正學妻張氏其姑病篤醫藥罔效姑亦自分死張
拭穢而嘗之以慰姑曰醫言無害也姑聞之喜病愈
張思仁妻王氏思仁山陽人戊金齒卒王年二十六
歲父母欲嫁之王曰夫死遠方其父母老其子幼女
卽不肖其能負乎卒不能奪

詔旌其門

山陽又有梁貴同戊金齒貴卒其妻邵氏年二十五
携孤子收夫骨歸葬而養其翁姑事

聞旌表俱宣德年

瞿壽妻朱氏壽爲諸生故朱年二十三無子攻苦食
貧養其舅姑不從更嫁之命嘉靖三十五年巡按御
史劉涇以

聞樹坊旌表

楊椿妻張氏椿永昌舉人未仕故父母垂白子幼家
貧張是時方二十五歲匍匐供俯仰每舉餓死失節
之川以拒不諒己者歷四十餘年襄三喪哀慟成疾
六十四歲而終有庠士辛文謨吊章與子景明九吁
哭母錄

毛氏郡人劉妻妻傑繇貢生任湖廣枝江學諭憂歸

道病以糸造股美而痊服闋謁選至真定僚病大作
毛百計救刺血跪神竟不起泣訴于巡撫得郵符徒
步與幼子麒扶輓歸艱寃益極哭輒剪肉焚香遍身
皆刀剪痕據喪夫之年甫二十六卒年五十四後子
麒中鄉試

閔應華妻穆氏即人夫早逝穆年十九一子方襁負
翁姑俱老拮据生計紡績至夜分聞雞而起煮豆市
脯以供朝夕如此者四十年舅姑偕壽踰八望九貧
家婦有此表表者

潘承志妻邵氏承志永昌庠生隨父任歿于桃源邵
方二十三歲二子方稚邵自甘荼苦撫孤兒竟夜紡

續以佐紙墨一時三喪就集勤劬襄葬訓子允孚補
弟子員訓孫一桂登甲科爲御史字節五十三卒卒
袁必通妻張氏郡人必通故時張方二十九子熙甫
十歲守節撫之熙長娶陳方十九有二子其一四歲
其一方生五月陳氏節行如其姑其稱未亡人張五
十餘年陳亦四十餘年

趙璿妻鄭氏郡人年二十五而夫故娶姑在堂子在
襁褓所仰給惟女紅之業宗老以達節勸之剪髮自
矢歷五十餘年以壽終

蔣希賢妻袁氏郡人賢故袁年二十四無子止二女
痛夫幾絕或欲奪袁志袁誓曰生飲蔣水死葬蔣家

江遂爲生墻蔬食布衣率二女緝績晝夜作嫁衣裳
歷四十年壽六十四而卒

劉儀妻李氏郡人儀卒李年二十四無子而貧苦節
不移鄉人欲上其事辭不愿曰夫亡守志禮也何足
異享年七十八族人憐而葬之

陳大猷妻馮氏郡人猷故馮年二十五翁姑垂老賴
以有終撫孤姪如己子其父欲更嫁誓死不從

張晟妻鄭氏晟爲騰越生員故鄭方二十一歲矢志
持節撫其孤邦教中鄉舉比其仕也時時以忠教寄
聲焉壽八十而卒

吳氏永平縣諸生廖惟燾妻甘荆布事舅姑以孝敬

彰自失彼天卽期同穴終其身内外固有間言

胡來觀妻陸氏郡人二十一而寡守志七十年直指
䟽聞于

朝與旌揚

楚雄府

本朝李銓妻楊氏郡人年二十六寡居時翁姑俱老
子幼未免於懷俯仰拮据孝養兼至及兩喪相繼而
殯葬之禮不違皆婦人所難者

羅剛妻李氏郡人年二十九夫卒有三歲幼子柁舟
蓼莪所云備嘗焉壽八十一卒

陶濂妻梁氏郡人濂以鄉薦第一卒時家如懸磬子

幼無依梁苦志甘貧守節數十年卒之日無間言
戎璫妻伍氏即人年二十七夫卒寡居六十餘年八
十八而卒

張時詔妻仇氏郡人年十六歸百戶張時詔未二年
卒生子耿光彌月撫之至於成立

楊循政妻趙氏廣通人年十八夫卒誓不他適課僕
婢耕種自養三十餘年而卒嘉靖二十五年知縣吳
習嘉表其墓

蘓蘭妻董氏廣通人夫爲諸生平時年二十六撫二
幼子事其姑嘉靖丁亥安鳳之變負姑遠避卒免於
難壽至七十有五

何景妻馬氏廣通人夫卒守節壽九十而終

楊伯堅妻李氏定遠人年二十五夫故固守養其姑
滕秀宗妻金氏定遠人年二十夫卒誓不二志撫二
孤稱丈夫子踰八十而終

周國禎妻張氏定遠人張年二十禎踰垣蹶而死張
祇其血憤極哀慟逾三旬自縊以從遺二子

包氏女定遠人包遇景女未許聘值鐵索箠冠劫而
殺之女誓不受辱遂爲賊所殺知縣王廷爵聞於院
道表其墓

衛宜妻揣氏鎮南人宜死於戍揣年二十三寡居八
旬而卒

周瑤妻徐氏鎮南人年二十五夫卒守節壽終

邵敏妻戴氏鎮南人十八歲失夫至七十以節見旌

段熙妻陳氏鎮南人年二十孀居守節七十八而終

俞汝諧妻仇氏郡人諧爲諸生卒仇年二十四欲自

縊殉之賴戚屬防救得不死攻苦茹淡窮年閉戶惟

一老婢相依雖母戚罕覩其面孀居五十三年巡按

御史聞於

朝旌表其門

曲靖府

元副樞燕帖木妻脫脫懷氏蒙古人洪武中征雲南

燕帖木敗績於曲靖馳歸妻閉門不納曰爾受梁王

厚恩兵敗不死何以見王乃鵠其二男一女命使者
曰我死爾舉火焚屋毋令辱我遂飲鵠死

本朝王子臣妻趙氏曲靖人年少守寡正統間有司
奏旌表其門

楊威妻王氏曲靖人王早適威家窘甚出荆布易書
勉夫學成鄉薦杜楚展澤令卒於官王間關數千里
扶柩歸葬一子繼殞王時二十一歲苦節自矢事

聞旌之

張濬妻馬氏平夷衛人濬爲諸生卒馮守節不嫁嘉
靖七年旌表其門

陳蕃妻任氏知府林煬記畧任曲靖卒陳蕃妻年十

六生一女歲許嘉靖乙巳春夫客死他郡聞訃朝夕
呼號廢寢食翁姑厭焉令其改嫁任益憤激流涕以
死自誓因詒其姑曰任既不天但得葬夫骸骨不敢
以子母重累姑姑以為然稍息過奪狀不數月夫骸
至任即縞衣携女撫屍悲痛葬于漏澤園至夜諸親
屬歸任故綬步私語曰吾今歸翁姑必執前言不從
則逆命從則逆天莫大焉惟死可兩全也後慮女幼
無依乃把女投于瀟湘河舉家不知所之三日方得
其屍女猶約於其皆鄉人聞之無不酸鼻嘉靖壬子
夏督學趙維垣以諸生及地方輿論達於兩院乃檄
下所司售地合葬旌其門曰貞烈仍建祠於墓樹碑

於祠復其二丁以奉香火

朱愷妻馬氏朱臣妻陸氏憚爲典靖衛千戶蚤卒子
茂未襲繼卒遺孫臣尚在襁褓馬曰子喪所天託之
於子子復喪猶幸有孫予不難一死奈朱祀何遂撫
臣及長娶同衛陸林女時家計甚窘朝不給夕里戚
憐助臣得襲如祖官未幾臣復遭疾卒或以家貧無
依微諷之泣對曰所不卽從夫死者爲祖姑在耳庸
有他志數年其祖姑亦卒其節彌堅於是姑婦相繼
以雙節鳴里門

莊鑑妻鄧氏郡人夫病剗股而啖之夫歿遂不嫁

李文妻戴氏平夷人年十九一女尚幼夫卒姑強欲

嫁之自縊死有司表其節

張武臣妻曹氏武臣平夷衛指揮蚤卒曹撫其二孤以張氏婦終焉

歙江府

本朝楊永延妻董氏河陽人弘治十一年夫卒董年二十九誓不再適視子女成立嘉靖二十五年巡按御史朱大本疏

聞旌表

李全妻張氏河陽人年二十夫卒遺腹生一子亦卒五十餘年節不能奪奉

旌表

方氏郡人年二十二歸江淮淮卒不嫁恩勤育二孤
嘉靖二十九年奉

旨旌表

王安壽妻李氏河陽人正統初安壽應貢卒業成均
任養利州同知前後十餘年李氏家居事其舅姑安
壽無內顧比卒於宦李不以無子有異志喪親之禮
無違二十而婆八十四歿

謝君用妻王氏直隸淮陰人洪武庚午從夫戍滇携
其子仁并姪禮義過采石遇盜度不能兩全乃棄其
子携王姪來君用卒王守節四十餘年撫養二姪成
立知州陳恕重其節白之當道旌以綺幣

杜誼妻楊氏河陽人二十娶居撫一月之孤終事二人年至八十七

李宣妻陶氏郡人宣卒年二十八送終事居撫育遺孤年逾八十而卒

陳必安妻王氏郡人生一子甫五歲怙之誓不更適徐麟妻王氏郡人年十五歸麟麟卒無子從一而終李餘祥妻黃氏郡人弘治十四年夫卒時甫二十撫二子不從亂命

張氏河陽人貢生潘雲龍妻嘉靖癸巳雲龍之京卒于道張年二十六自謂有子不再嫁

韓琮長妻張氏江川人二十寡居事舅姑養幼子年

至九十餘

陳俊妻顧氏江川人十九而娶撫子竟節年至九十
米震春妻張氏江川人養姑訓子五十餘年

賀璽妻程氏江川人年二十九守節三十餘年

速大用妻陳氏郡人年二十四守節撫孤四十餘年

張氏河陽張以時之女許聘李均需未嫁而均需死

有姚琰者再聘張潛之李墓自經會以救免竟其志

秦世賢郡人其女八歲許聘楊涇未娶而夫卒父亦

隨亡女誓死事母終身不字有求婚者甚力女引繩

欲自縊是後無敢言者嘉靖間奉

旨旌表

袁志聰女郡人十歲時許聘王守業未嫁守業祝髮
遠遊不知死所有求婚者諸嫂強之輒往河津投溺
母脅救回竟閉門茹蔬攻紡績節操彌堅萬曆間奉
旨旌表

蒙化府

本朝左綱妻張氏雖早寡而節彌堅撫其孤琳瑯相
繼爲土官知府弘治初蒙旌表

趙奴宣妻楊氏奴宣蚤歿楊不以貧家婦閤菽水于
舅姑年六十所司嘉獎之

胡氏蒙化衛百戶唐齡之妻齡卒時胡年十九勵志
撫遺腹子壽七十餘終

羅氏郡諸生董朝儀之妻夫亡子幼克節以終

庠生左明理妻張氏夫亡從子三十餘年

庠生劉崇學妻陳氏食貧甘守

馮士傑妻詹氏宦隱妻雷氏楊謙妻薛氏俱貧家苦節與胡氏等節經有司扁其門

鶴慶府

本朝許喬遷妻樊氏郡人喬遷計偕卒于京樊年方十八舅姑欲奪其志刎目割鼻憤怒成疾越六年而卒知府王昂以詩輓之

李醜妻李氏郡人年二十三一子懷抱一子遺腹後二子皆卒不二其操居五十餘年卒知府周集置扁

以旌

此必細民也雖同姓非法而婦無君子取節以長其旌也以此乎

劉旌妻張氏旌爲諸生卒張年二十三有遺腹斷髮殉夫四十餘年一節焉

楊從宜妻李氏從宜爲諸生疾篤以父母幼子囑之李遵遺命克盡孝慈蒙揚

徐文宗妻張氏劍川人文宗爲諸生卒張時年二十二遺腹生一子黽勉爲宗祀計不再醮卒年七十四尹氏嫁劍川舉人段廷實以偕計卒於京卽尹年二十有八無子以死自誓居三十餘年卒

羅雲鳳妻段氏劍川人雲鳳爲舉人卒於京段年二十六無子自守父母不能奪其志

李鑾途妻楊氏劍川人樂道爲諸生事繼母孝楊事繼姑如其夫道疾篤楊籲呼請代及卒裹葬隨繼死以從

姚安府

本朝高惠妻譚氏夫蚤卒守節終身

魯氏金陵人隨父成姚安平屯所年十七嫁爲陳友忠婦友忠戰死交趾魯時年二十一子甫三歲誓不
失節六十餘年卒

新誌妻趙氏姚安所人生子甫七歲夫死守義及子

又卒撫其幼孫知府陳綬旌之

劉濟妻胡氏姚安所人成化間濟卒無子異議者不能奪其志以壽終

蔡銓妻張氏魏安所人喪夫守七歲子終其身

徐淮妻龔氏淮爲諸生早喪龔甘苦守節四十餘年兩子俱爲郡庠生

王經妻張氏大姚人經爲諸生早喪生子鳴鳳甫三歲舅姑在堂生事剝落張處之晏然鳴鳳後以慈訓歷官知縣清節自持人莫不賢其母巡按御史楊銓爲作柏舟堂記以紀之

張震妻王氏白鹽井人年二十夫卒撫弱子世榮成

立娶李氏後世榮亦卒姑婦相依俱不變節提舉徐
璣以雙節表其室

廣西府

本朝郭尚賢妻趙氏郡人刲股愈其姑病

趙理妻張氏郡人年二十五夫亡子幼而不嫁壽至
八十

趙信妻楊氏年少而貧夫亡能守

楊大謨妻段氏彌勒州人爲黑舊哨戍卒萬曆三十
二年寇至謨奮勇殺賊死於陣段氏撫其孤以節自
持翁姑欲奪其志遂自縊奉

旨豎坊表揚

尋甸府

本朝蘇氏鳳梧所指揮袁謙妻夫死守志遭亂爲賊所逼引決用刀賊感之而得釋遂全其宗

馬永增妻馬氏夫死于外窆葬事竣毀刑閉戶三十餘年撫其孤三聘底于成立

徐氏木密所人夫王愛與姪王立與安銓戰死徐甘以身殉姑泣止之忍死事居壽八十九歲而終臺使者旌其門

蘓氏木密所人生冒夏綱妻夫死不食母強飼之自矢同穴守志者四十年

武定府

本朝郡民李臻枝女年十八許聘張節未幾節死誓
不更嫁後兵變途遇一男子執其手卽以刃自斷而
死今東郭外有旌節碑記

高氏客民何天相妻克舉之變城破天相令同出避
難氏知無所避乃曰今日之事吾與若有死而已言
訖抱八歲女投之於井次及幼女繼以身殉見者無
不慟之

景東府

本朝阿曩土知府陶璿祖母正統間麓川叛寇入境
侵掠阿曩訓飭孫璿率衆斬馘賊遁去總兵沐昂上
其績

勅封爲太淑人褒賚甚厚

劉藻妻陳氏藻卒陳年甚幼以節守終

元江府

本朝楊德先妻馬氏夫死守節八十而終

何源深妻曾氏年十六深卒誓不再醮

何源清妻李氏年十八清卒痛毀欲絕父母翁姑曲

慰之竟飲哈芙蓉死

王諱妻黃氏蚤歲喪夫訓遺孤廷輔以儒業歷四十

餘年萬曆十年督學荆光裕旌其門曰日南正氣

馬宗範妻白氏十六喪夫孀居守節五十餘年

李儒妻楊氏元江人儒死氏年二十三剪髮毀容願

以死殉其姑寬譬之乃拮据襄事修其婦職姑病賴割股而痊撫遺腹子希聖爲歲薦士終其身六十年一節云

麗江府

本朝木氏藥師能土知府木森女適通安州土同知高長夫喪時年二十撫孤成立五十四年靡慝

羅氏土官知府木青妻歸青十年青臥病竭力調護卒不起方在憫凶適有香寇慨然曰彼以我新遭喪子在襁褓婦人無能爲耳乃雪涕誓師親擐甲躍馬先士卒一鼓克敵邊鄙以寧事姑盡孝教子以忠勤稱

誥封太恭人年五十一而終部民追思焉謝叅藩公
肇淞亦紀其事

順寧府

本朝猛紕妻易朶猛朋妻易喬俱以相夫成功西平
候上其事皆

贈恭人

奉祿妻猛氏土官猛雍女適大候土官奉祿雍惑於
後妻使改嫁土舍奉誥會猛氏歸寧誥以木邦兵攻
大候虜奉祿氏素衣獨居一樓憂憤雍諷以服節之
陋女曰夫存亡未可知方欲與俱死何心改服乎雍
陰約奉誥將逼之氏佩刀自防數月雍乃耳以毒氏

恨不見夫留緬書一紙詞氣甚悲巡撫王啓命所司
遣官奠祭且爲之贊曰牝雞捍兒女怨猛虎亂夫家
散嗟嗟何日見夫面君不見祭家姬雍家先血淚又
不見劉家母王家翻受禪吁嗟女兮豈不欲效雙飛
燕破鏡難成片一紙緬書流血撰黃泉路上見夫面
陶氏土知府極卿妻夫死時年三十六哀毀欲絕救
而獲免教子成立節操凜然

夜梅燹夷婦木邦侵境兵勢大燄郡中男子與之敵
者皆北婦手刃劍敗其兵千餘騎賊憚而歸

北勝州

本朝譚本仁妻姚氏李僞妻范氏俱守節載在舊志

甯氏思州府經歷盧惠妻銅苗攻城甯投河死貴州
移白本省建坊旌表

孟璉長官司

本朝招曩猛土舍刀派羅妻年二十五夫卒守節五
十二年弘治六年都指揮僉事方敬以

聞旌表

滇志卷之十五終